

No. Rujukan : UTeM.100-1/3/5 (4)



SURAT PEKELILING KEWANGAN BILANGAN 21 TAHUN 2021

**PEMAKAIAN SOALAN LAZIM BERKAITAN
PEROLEHAN KERAJAAN BERIKUTAN
PELAKSANAAN PELAN PEMULIHAN NEGARA (PPN)
MULAI 15 JUN 2021 (KEMASKINI PADA 9 JULAI 2021)
DI UNIVERSITI TEKNIKAL MALAYSIA MELAKA
(UTeM).**

Pejabat Bendahari
23 November 2021

Disalinkan kepada:

Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri & Masyarakat)

Penolong Naib Canselor (Pembangunan & Pengurusan Fasiliti)

Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.100-1/3/5 (4)

23 November 2021

SURAT PEKELILING KEWANGAN BIL. 21/2021

PEMAKAIAN SOALAN LAZIM BERKAITAN PEROLEHAN KERAJAAN BERIKUTAN PELAKSANAAN PELAN PEMULIHAN NEGARA (PPN) MULAI 15 JUN 2021 (KEMASKINI PADA 9 JULAI 2021) DI UNIVERSITI TEKNIKAL MALAYSIA MELAKA (UTeM)

1.0 TUJUAN

Surat Pekeliling Kewangan ini dikeluarkan bagi memaklumkan kepada semua warga Universiti akan Pemakaian Soalan Lazim Berkaitan Perolehan Kerajaan Berikutan Pelaksanaan Pelan Pemulihan Negara (PPN) Mulai 15 Jun 2021 (Kemaskini Pada 9 Julai 2021) Di Universiti Teknikal Malaysia Melaka (UTeM).

2.0 LATAR BELAKANG

- 2.1 Kerajaan Malaysia pada 28 Mei 2021 telah mengumumkan pelaksanaan Sekatan Pergerakan Penuh – *Total Lockdown (TLD)* Fasa 1 di seluruh negara melibatkan semua sektor kecuali sektor ekonomi/perkhidmatan perlu (*essential economic/service sector*) berdasarkan senarai oleh Majlis Keselamatan Negara (MKN) dan tertakluk Prosedur Operasi Standard (*SOP*) yang ditetapkan untuk tempoh bermula 1 Jun 2021 sehingga 14 Jun 2021. Tempoh tersebut kemudiannya telah disambung 15 Jun 2021.
- 2.2 Soalan lazim ini disediakan oleh pihak *MOF* sebagai panduan kepada semua Kementerian/Agensi dan hendaklah dibaca bersekali dengan Pekeliling Perbendaharaan yang sedang berkuat kuasa.
- 2.3 Seterusnya Soalan Lazim ini telah diluluskan untuk diguna pakai dalam Mesyuarat Lembaga Pengarah Bil. 3/2021 pada 5 Julai 2021.

2.4 Rentetan itu, Pejabat Bendahari juga telah mengeluarkan Surat Pekeliling Kewangan Bilangan 9/2021 - Soalan Lazim Berkaitan Perolehan Kerajaan Berikutan Pelaksanaan Perintah Kawalan Pergerakan (PKP) 3.0 Mulai 15 Jun 2021 Di Universiti Teknikal Malaysia Melaka (UTeM) pada 15 Julai 2021.

3.0 SOALAN LAZIM (FAQ) PEROLEHAN BERIKUT PELAKSANAAN PELAN PEMULIHAN NEGARA (PPN) MULAI 15 JUN 2021 (KEMASKINI PADA 9 JULAI 2021) DI UNIVERSITI TEKNIKAL MALAYSIA MELAKA (UTeM).

3.1 Pemakaian Soalan Lazim (FAQ) ini adalah tertakluk kepada pindaan seperti berikut:

3.1.1 Pindaan “PKP 3.0” kepada “PPN” selaras pemakaian pada *FAQ MOF* pada tajuk, soalan dan jawapan yang berkaitan.

3.1.2 Pindaan para 6 pada *FAQ MOF* berkaitan Pihak Berkuasa Melulus perolehan kerja bagi tambahan kuantiti/pelanjutan tempoh kontrak bagi kontrak bekalan/perkhidmatan berdasarkan AP201.1 dilaksanakan dalam tempoh PPN.

3.2 Soalan Lazim untuk rujukan dan panduan bagi perolehan berikutan pelaksanaan Pelan Pemulihan Negara adalah seperti di **Lampiran A** dan hendaklah dibaca bersekali dengan Peraturan Kewangan dan Perakaunan Universiti (PKPU), Bahagian Pengurusan Perolehan Universiti (PU).

3.3 Soalan Lazim ini juga boleh dirujuk pada Bab B Kaedah Perolehan Bekalan Dan Perkhidmatan Universiti, Bahagian Pengurusan Perolehan Universiti (PU), Peraturan Kewangan dan Perakaunan Universiti (PKPU) di pautan berikut :

<https://pkpu.utem.edu.my/index.php/3-0-bahagian-pengurusan-perolehan-universiti> .

4.0 PEMAKAIAN

Surat Pekeliling Kewangan ini adalah berkuat kuasa mulai 9 Julai 2021 sehingga suatu tarikh baharu yang akan ditentukan berdasarkan pengumuman Kerajaan dari semasa ke semasa.

5.0 PEMBATALAN

Surat Pekeliling Kewangan Bilangan 9 Tahun 2021 yang dikeluarkan pada 15 Julai 2021 adalah terbatal.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



KHAIRUL BIN TAIB

Bendahari

Universiti Teknikal Malaysia Melaka

kaat/Surat Pekeliling Kewangan/2021

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PELAN PEMULIHAN NEGARA (PPN) MULAI 15 JUN 2021
(DIKEMASKINI PADA 9 JULAI 2021) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
Pihak Berkuasa Melulus (PBM).		
1.	Adakah Mesyuarat Pihak Berkuasa Melulus (PBM) boleh dilaksanakan dalam tempoh PPN?	Mesyuarat PBM iaitu Lembaga Perolehan (LP) dan Jawatankuasa Sebut Harga (JKSH) atau seumpamanya boleh dilaksanakan secara dalam talian (<i>online</i>) melalui platform yang selamat tertakluk kepada garis panduan yang dikeluarkan oleh Kementerian Kewangan (<i>MOF</i>).
2.	Adakah tempoh sah laku bagi tender dan sebut harga yang ditangguhkan boleh dilanjutkan dalam tempoh PPN?	Tempoh sah laku tender dan sebut harga yang masih berkuat kuasa boleh dilanjutkan sekiranya perlu setelah mendapat kelulusan Naib Canselor bagi tempoh sehingga 60 hari. Kelulusan pelanjutan tempoh boleh menggunakan apa jua media komunikasi yang pantas seperti e-mel dan lain-lain.
3.	Adakah tempoh sah laku untuk tender pra kelayakan turut boleh dilanjutkan memandangkan peraturan telah menetapkan tempoh sah laku adalah tidak boleh melebihi 120 hari?	Tempoh sah laku tender pra kelayakan yang masih berkuat kuasa boleh dilanjutkan sekiranya perlu setelah mendapat kelulusan Naib Canselor bagi tempoh sehingga 60 hari. Kelulusan pelanjutan tempoh boleh menggunakan apa jua media komunikasi yang pantas seperti e-mel dan lain-lain.
4.	Apakah tindakan Agensi untuk memastikan kontrak bekalan/perkhidmatan/kerja yang diperlukan tidak terputus sekiranya	Universiti dibenarkan melanjutkan tempoh kontrak tertakluk kepada syarat seperti berikut:

**SOALAN LAZIM BERKAITAN PEROLEHAN KERAJAAN BERIKUTAN
 PELAKSANAAN PELAN PEMULIHAN NEGARA (PPN) MULAI 15 JUN 2021
 (DIKEMASKINI PADA 9 JULAI 2021) DI UNIVERSITI TEKNIKAL MALAYSIA
 MELAKA (UTeM)**

Bil.	Soalan	Jawapan
	kontrak tamat dalam tempoh pelaksanaan PPN?	<p>i. Bagi kontrak bernilai melebihi RM500,000.00, kelulusan oleh Pegawai Pengawal;</p> <p>ii. Bagi kontrak bernilai sehingga RM500,000.00, kelulusan oleh Naib Canselor;</p> <p>iii. Tempoh pelanjutan tidak melebihi 60 hari;</p> <p>iv. Tambahan kuantiti dibenarkan jika perlu untuk menampung keperluan selama 60 hari sahaja;</p> <p>v. Pengecualian terhadap syarat-syarat yang ditetapkan oleh AP201.1;</p> <p>vi. Pelanjutan kontrak hendaklah dibuat melalui sistem ePerolehan, jika berkaitan;</p> <p>vii. Perjanjian tambahan (<i>supplementary agreement – SA</i>) hendaklah disediakan; dan</p> <p>viii. Bon pelaksanaan bagi pelanjutan baharu ini tidak perlu dikemukakan.</p> <p>Sekiranya syarikat sedia ada tidak bersetuju untuk melanjutkan tempoh kontrak atau kontrak tamat dalam tempoh PKP 3.0, Universiti dibenarkan melaksanakan pembelian terus sehingga RM20 ribu bagi setiap pesanan untuk tempoh 3 bulan</p>

**SOALAN LAZIM BERKAITAN PEROLEHAN KERAJAAN BERIKUTAN
 PELAKSANAAN PELAN PEMULIHAN NEGARA (PPN) MULAI 15 JUN 2021
 (DIKEMASKINI PADA 9 JULAI 2021) DI UNIVERSITI TEKNIKAL MALAYSIA
 MELAKA (UTeM)**

Bil.	Soalan	Jawapan
		<p>sehingga 31 Ogos 2021 atau sehingga perolehan baharu dimuktamadkan.</p> <p>Pengecualian diberikan kepada Universiti untuk melaksanakan pembelian terus secara berulang asalkan tidak melebihi RM20,000.00 bagi setiap pesanan, khusus bagi perolehan ini sahaja.</p>
Kontrak Perolehan Semasa.		
5.	<p>Adakah pelaksanaan kontrak bekalan/perkhidmatan/kerja sedia ada yang sedang berjalan boleh diteruskan dalam tempoh PPN?</p>	<p>Kontrak bekalan/perkhidmatan/kerja bagi sektor yang dikategorikan sebagai sektor ekonomi/perkhidmatan perlu (<i>essential economic/service sector</i>) oleh Majlis Keselamatan Negara (MKN) boleh diteruskan berdasarkan obligasi kontrak tertakluk kepada SOP yang ditetapkan. Contoh adalah seperti perkhidmatan pembersihan bangunan, kawalan keselamatan dan penyelenggaraan di bangunan Kerajaan.</p> <p>Manakala, bagi kontrak yang tidak dapat diteruskan, Universiti hendaklah menangguhkan pelaksanaan kontrak melalui arahan oleh Pegawai Penguasa (SO)/Pengarah Projek (PD)/Pentadbir Kontrak/Wakil Kerajaan selaras dengan klausa kontrak. Contoh adalah seperti bekalan makanan bermasak di sekolah.</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PELAN PEMULIHAN NEGARA (PPN) MULAI 15 JUN 2021
(DIKEMASKINI PADA 9 JULAI 2021) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		Arahan penangguhan perlu dimaklumkan kepada syarikat secara rasmi.
6.	<p>Adakah tambahan kuantiti bagi kontrak bekalan/perkhidmatan berdasarkan AP201.1 dilaksanakan dalam tempoh PPN?</p> <p>Bagaimanapula Lanjutan Tempoh Kontrak (LTK)/Extension Of Time (EOT) bagi perolehan kerja?</p>	<p>Selaras dengan garis panduan pelaksanaan mesyuarat PBM secara dalam talian, sebarang pertimbangan tambahan kuantiti mengikut AP201.1 adalah dibenarkan tertakluk pertimbangan PBM.</p> <p>Pertimbangan bagi LTK/EOT bagi perolehan kerja adalah mengikut terma kontrak dan boleh dipertimbangkan oleh Pegawai Penguasa (SO) projek.</p>
7.	Adakah Kerajaan masih meneruskan kemudahan bayaran gaji pekerja bagi kontrak yang terjejas dalam tempoh PPN?	Tidak. Bayaran ke atas kontrak adalah tertakluk kepada kesempurnaan bekalan/perkhidmatan/kerja oleh syarikat dan syarat kontrak. Bayaran boleh dibuat hanya bagi bekalan/perkhidmatan/kerja yang telah dilaksanakan sahaja mengikut terma kontrak.
8.	Apakah status tuntutan bayaran bagi invoice yang telah diserahkan kepada agensi semasa PPN?	Universiti dikehendaki menyegerakan semua bayaran yang dituntut bagi perolehan/projek yang telah disempurnakan dengan dokumentasi lengkap mengikut peraturan kewangan yang berkuat kuasa dan syarat kontrak.
Proses Pelaksanaan Perolehan Yang Sedang Berjalan/Baharu.		

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PELAN PEMULIHAN NEGARA (PPN) MULAI 15 JUN 2021
(DIKEMASKINI PADA 9 JULAI 2021) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
9.	<p>Apa tindakan yang perlu diambil sekiranya syarikat menghadapi masalah untuk mengemukakan dokumen atau kontrak seperti bon pelaksanaan/insurans/akuan sumpah bagi melengkapkan SST berikutan pelaksanaan PPN?</p>	<p>Berdasarkan PP/PK4.2/Perenggan 9.9.2, Universiti dibenarkan untuk memberikan pengecualian bertulis untuk syarikat mengemukakan bon pelaksanaan/insurans lewat daripada tarikh asal yang ditetapkan sehingga 60 hari.</p> <p>Syarikat dibenarkan mengembalikan SST yang telah ditandatangani tanpa melampirkan Akuan Bersumpah Pembida Berjaya lewat daripada tarikh asal yang ditetapkan sehingga 60 hari.</p> <p>Universiti boleh membenarkan pelanjutan tambahan tempoh untuk mengemukakan bon pelaksanaan/insurans/akuan bersumpah pembida berjaya sehingga 30 hari lagi sekiranya perlu.</p>
10.	<p>Bolehkah tender/sebut harga diiklankan/dipelawa dalam tempoh PPN?</p>	<p><u>Iklan Baharu</u></p> <p>Tender/sebut harga boleh diiklankan/dipelawa bagi memastikan Perancangan Perolehan Tahunan (PPT) 2021 Universiti termasuk semua program/projek yang diumumkan oleh</p>

**SOALAN LAZIM BERKAITAN PEROLEHAN KERAJAAN BERIKUTAN
 PELAKSANAAN PELAN PEMULIHAN NEGARA (PPN) MULAI 15 JUN 2021
 (DIKEMASKINI PADA 9 JULAI 2021) DI UNIVERSITI TEKNIKAL MALAYSIA
 MELAKA (UTeM)**

Bil.	Soalan	Jawapan
		<p>Kerajaan dari semasa ke semasa dapat dilaksanakan.</p> <p>Universiti perlu memastikan tempoh tutup iklan tender/sebut harga yang munasabah mengambil kira pengumuman pembukaan sektor ekonomi oleh Kerajaan bagi membolehkan syarikat tiada halangan untuk menyertai tender/sebut harga tersebut. Tempoh maksimum jualan bagi sebut harga adalah 5 minggu manakala tempoh maksimum bagi jualan tender adalah 9 minggu (Rujuk Para 20, Surat Pekeliling Kewangan Bilangan 3 Tahun 2021).</p> <p><u>Telah iklan</u></p> <p>Universiti boleh melanjutkan tempoh iklan/pelawaan sekiranya perlu. Kuasa pelanjutan tarikh tutup iklan tender/sebut harga yang sedang diiklankan terletak kepada Naib Canselor. Tempoh lanjutan yang dicadangkan adalah maksimum 28 hari.</p>
11.	Bolehkah Mesyuarat Jawatankuasa Perolehan yang lain bersidang secara dalam talian semasa PPN?	Mesyuarat Jawatankuasa Perolehan seperti Jawatankuasa Spesifikasi, Jawatankuasa Pembuka, Jawatankuasa Penilaian, Jawatankuasa Rundingan Harga dan lain-lain hendaklah bersidang secara dalam talian

**SOALAN LAZIM BERKAITAN PEROLEHAN KERAJAAN BERIKUTAN
 PELAKSANAAN PELAN PEMULIHAN NEGARA (PPN) MULAI 15 JUN 2021
 (DIKEMASKINI PADA 9 JULAI 2021) DI UNIVERSITI TEKNIKAL MALAYSIA
 MELAKA (UTeM)**

Bil.	Soalan	Jawapan
		<p>dengan syarat Universiti perlu memastikan aplikasi yang digunakan mematuhi arahan keselamatan yang dikeluarkan oleh pihak berkuasa keselamatan seperti MAMPU dan Pejabat Ketua Pegawai Keselamatan Kerajaan Malaysia.</p> <p>Pengendalian dokumen rahsia rasmi Kerajaan seperti dokumen tawaran petender/penyebut harga secara <i>hardcopy</i> atau <i>softcopy</i> yang perlu dibawa keluar daripada pejabat adalah tertakluk kepada Garis Panduan Membawa Rahsia Rasmi Keluar Dari Pejabat Semasa Tempoh Perintah Kawalan Pergerakan yang dikeluarkan oleh Pejabat Ketua Pegawai Keselamatan Kerajaan Malaysia.</p> <p>Pengendalian mesyuarat PBM hendaklah mematuhi garis panduan pelaksanaan mesyuarat secara dalam talian yang dikeluarkan oleh MOF.</p>
12.	Adakah syarikat dibenarkan untuk mengemukakan dokumen tender/sebut harga bagi perolehan kerja/perkhidmatan perunding secara dalam talian seperti e-mel?	Penyerahan/penerimaan dokumen tender/sebut harga melalui pos berdaftar/kurier.

**SOALAN LAZIM BERKAITAN PEROLEHAN KERAJAAN BERIKUTAN
 PELAKSANAAN PELAN PEMULIHAN NEGARA (PPN) MULAI 15 JUN 2021
 (DIKEMASKINI PADA 9 JULAI 2021) DI UNIVERSITI TEKNIKAL MALAYSIA
 MELAKA (UTeM)**

Bil.	Soalan	Jawapan
		<p>Klausa berikut akan dinyatakan dalam arahan kepada petender/penyebut harga:</p> <p><i>“Jika tender/sebut harga dihantar dengan menggunakan perkhidmatan pos berdaftar/kurier, Petender/ Penyebut Harga hendaklah memastikan dokumen tersebut selamat tiba pada alamat yang telah ditetapkan sebelum atau pada Tarikh Tutup tender/sebut harga selewat-lewatnya pada pukul 12.00 tengah hari. Sebarang kelewatan yang timbul dalam urusan tersebut tidak akan dilayan”.</i></p>
Proklamasi Darurat.		
13.	Bolehkah perolehan darurat dilaksanakan dalam tempoh Proklamasi Darurat dan PPN?	Perolehan darurat hanya boleh dilaksanakan tertakluk kepada syarat dan ketetapan di dalam PP/PB3.3.
Pengendalian Mesyuarat PBM Secara Dalam Talian.		
14.	Bagaimana dengan agensi yang tidak menggunakan platform MyGovUC?	Menggunakan platform yang dipastikan selamat berdasarkan semakan Pusat Perkhidmatan Pengetahuan dan Komunikasi (PPPK) setelah mendapatkan nasihat daripada Pejabat Ketua Keselamatan Kerajaan Malaysia, Jabatan Perdana Menteri (CGSO, JPM).

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PELAN PEMULIHAN NEGARA (PPN) MULAI 15 JUN 2021
(DIKEMASKINI PADA 9 JULAI 2021) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
15.	Apa tanggungjawab urus setia untuk memastikan pelaksanaan mesyuarat PBM secara dalam talian adalah selamat?	Urus setia bertanggungjawab memastikan keselamatan pengendalian mesyuarat PBM dan keselamatan dokumen mengikut tatacara berdasarkan garis panduan pelaksanaan mesyuarat PBM secara dalam talian bagi memastikan tiada kebocoran maklumat berlaku.